



FYLKESMANNEN
I ROGALAND

Dykkar ref.:

Vår dato: 23.09.2013

Vår ref.: 2013/6960

Arkivnr.: 433.0

Hilda og Egil Leifsen
Blikrabygda
5576 ØVRE VATS

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Svar på søknad 128/1 utsetjing utanlandske treslag, skogproduksjon Øvre Vats, Vindafjord

Vi syner til din søknad, mottatt 03.07.2013, om utplanting av sitka (*Picea sitchensis*) på ca. 1 dekar areal, gnr.bnr. 128/1 i Vindafjord.

Heimel

Utsetjing av utanlandske treslag krev godkjenning frå Fylkesmannen i samsvar med *forskrift om utsetting av utenlandske treslag til skogbruksformål (25.05.2012 nr 460, jf naturmangfaldlova kap IV.*

Søknaden

Det er søkt om å planta ut 250 sitka (*Picea Sitchensis*) på kartfesta areal ca . 1 daa. Søkar vil setje att eksisterande svartor-kantskog mot Blikråna, evt. plante supplrande svartor. Dette som i hovudsak forynging etter hogst.

Fylkesmannen si vurdering

Føremålet med forskrifta er å hindra at planting av utanlandske treslag gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Sitkagran er vurdert av Artsdata-banken som ein art med svært stor risiko for naturleg spreiding med skadelege økologiske verknader for norsk natur (Norsk svarteliste 2012). Tilgrensande areal er i hovudsak dyrka mark, men Blikråna er naturtype med C-verdi, der kantsona er lauvskog, til dels svartorskog.

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Dette er i naturmangfaldlova ei generell plikt til å opptre aktsamt (§6), og eit særlege kravet til aktsemd ved utsetjing av framande organismar (§28). Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er eller blir utsett

for (§10). Vi legg til grunn at plantinga i hovudsak skal skje på tidlegare produksjonsareal. Vi legg vekt på at søkar ønskjer å behalde naturleg kantsone mot Blikraåna.

§11 adresserer ansvaret for eventuelle skadar på naturmiljøet til tiltakshavaren. Kostnadar ved å bøta på eventuelle skadar eller førebyggja skadar skal dekkast av tiltakshavar, så langt dei er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultatata (§12).

Plantinga er omsøkt i eit område med sitkagran frå før, elles dyrka mark. Plantinga vil såleis ikkje utgjer ei stor endring av frøpresset på områda rundt. Ei god stund framover vil det aller meste av frøspreinga stamma frå etablert sitkagran (frå før godkjenningsordninga tredde i kraft i 2012). Omsøkt areal grensar til vassdrag med naturleg kantsone. Utover dette er det ikkje registrert spesielle naturverdiar som kan bli truga av tiltaket i eller umiddelbart ved plantefelta. Under føresetnad av at framtidig spreining av sitkagran blir overvaka og hindra om det blir aktuelt, kan vi ikkje sjå at den omsøkte plantinga vil vera til vesentleg skade for naturmangfaldet, gitt tilstrekkeleg naturleg kantsone mot Blikraåna.

Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til å setja ut til saman 250 sitka-tre på omsøk areal, avmerka på kart vedlagt søknaden.

Det er eit vilkår at framtidig spreining av sitkagran blir overvaka og hindra om det blir aktuelt.

Vidare er det eit vilkår at det ikkje blir planta i kantsona til Blikraåna, med minimum avstand 20 m til nordre elvekant.

Vedtaket kan påklagast til Direktoratet for naturforvaltning innan 3 veker. Klagen skal stilast til Direktoratet for naturforvaltning og sendast til Fylkesmannen i Rogaland

Med helsing

Audun Steinnes
seniorrådgjevar

Per Kristian Austbø
Ass. fylkesmiljøvernssjef

Dokumentet er elektronisk godkjent og har derfor ikkje underskrift

Saksbehandlar: Audun Steinnes
Saksbehandlar telefon: 51 56 89 12
E-post: fmrosas@fylkesmannen.no